



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vindex Libertatis Ecclesiasticae || Et Martyr || S.
Engelbertvs || Archiepiscopus Co-||loniensiſ Princeps ||
Elector, &c.**

Gelenius, Aegidius

Coloniae Agrippinae, 1633

Praefatio Ad Benevolvm Lectorem.

urn:nbn:de:hbz:466:1-9728

PRÆFATIO
AD BENEVOLVM
LECTOREM.



Ardenti à nonnullis, **B**ENEVOLE
LECTOR, desiderio singularis expetebatur
editio Historiæ Sanctissimi Martyris & Ar-
chiepiscopi Colonienſis ENGELBERTI
acerrimi Eccleſiaſticæ libertatis Aſſertoris,
C eoq; magis, quod exulceratiſſimis hiſce noſtris temporibus
(quibus hæreticorum malitiâ non parum in Germania Ca-
tholica impetitur religio) Clerus admodum afflictuſ, præſidiũ
ſuũ omneq; perſugium ad S. ENGELBERTVM, exemplo Se-
reniſſimi & Reuerendiſſimi Principis Electoris FERDINAN-
DI Domini Noſtri Clementiſſimi, anhelans quærere & ad-
uerſus hæreticorum veſaniã implorare cogitur: pluriũ igitur
deſiderio vt fiat ſatis, hiſtoriam eiufdem Sancti, à Cæſario
D Heiſterbacenſi Monacho diligentiffimè olim conſcriptam,
annalibus illius temporis ac notis velut radio aliquo illu-
ſtraui, è quibus maiorum cum fide noſtrâ conſpirationem,
Sedis Apoſtolicæ & ſacrorum Canonum obſervantiam, ex
ſelectis quibuſque Auctoſibus præcipuè ex Archiuiſ, ope-
riſque lucubrationibus & Annalium Eccleſiaſticorum appa-
ratu, mihi à piæ & fœlicis recordationis fratre meo IOANNE
GELENIO Doctore Theologo, Vicario Generali & Præſato

A

Colo-

3
PRAEFATIO AD LECTOREM.

Colonienſi relictis, confirmaui & ſtabiliui. Cum verò plu- A
rima inſtar apis Matinæ hinc inde collegiſſem, & periodis
ſcholijsque hiftoriam hanc illuſtraſſem, præter opinionem
vidi ſub manibus ipſum opus nonnihil excreuiſſe. Quare non-
nulla reſecta, euulgationi Annalium Eccleſiaſticorum Agrip-
pinenſium reſeruau; cætera notis margini adſcriptis leuiter
ita à me illuminata ſunt: Vt ab occupato & grauioribus de-
rento negotijs Lectore primoribus labijs delibari & leui ocu- B
lo peruolui poſſint: Virorum etiam excellentium conuerſa-
tione vitæ veluti iubare quodam Eccleſiam illuſtrantium no-
mina, ex varijs diplomatibus curioſè deſcripti annotauiq; vt
aliquando Theatro Genealogico familiarum Patriæ ſeruiāt,
quæ ſi cui ſaſtidium tædiumque pariant, notis ſcholijsque
contentus ſeſe oblectet, Si verò alicui ieiuna nimis pauca
que videantur, locupletiora ſuggerere meque ſub onere non
vulgari fatiſcentem & deficientem, Chriſtiana charitate
ſubleuare, & erigere dignetur. Omnibus autem in omnibus C
ſapere datum non eſt: Nec tamen (cū S. Auguſtino lib. 1.
de Trinit. cap. 2. & 3) pigebit me ſi cubi hæſito quæ-
rere, nec pudebit ſi cubi erro diſcere: Proin-
de quiſquis legit hæc vbi pariter certus eſt
pergat mecum, vbi pariter hæſitat quærat
mecum, vbi errorem ſuum cognoſcit D
redeat ad me, vbi meum, reuocet
me, ita ingrediamur ſimul
charitatis viam.



AD